

云南史料丛刊

第五十四辑

云南大学历史系

云南地方古代史

(原民族历史)

研究室



雲南史料叢刊第五十四輯目錄

滇南志略卷五

滇南志略卷之五分目

澂江府 領州二縣二

河陽縣 一四頁——一六

江川縣 一七頁——二二

新興州 二二頁——三〇

路南州 三〇頁——三六

廣南府 領縣一 三七頁——四八

寶甯縣 (土富州屬焉) 四六頁——四八

順甯府 領州一縣一廳一 四九頁——七二

順甯縣 五九頁——六一

雲州 六一頁——六六

緬甸廳

六六頁——七二

滇南志略 卷六

滇南志略卷之六分目

永北直隸廳

七五頁——八四

廣西直隸州

八五頁——一〇三

師宗縣

九二頁——九五

彌勒縣

九五頁——一〇一

邱北縣

一〇一頁——一〇三

武定直隸州

一〇四頁——一〇八

元謀縣

一二二頁——一一八

祿勸縣

一二八頁——一二八

元江直隸州

一二九頁——一四七

新平縣

一三八頁——一四七

領縣一

領縣二

領縣三

鎮沅直隸廳

黑鹽井

白鹽井

石膏井

至道雲南錄

政和證類本草

唐慎微撰

滇南慟哭記

清平洞恤忠祠記碑

西南夷改流記

一四八頁——一七六

一五七頁——一六五

一六五頁——一七一

一七二頁——一七六

一八一頁——一九〇

一九一頁——二〇二

二〇三頁——二〇九

二一〇頁——二二六

二二七頁——二五四

滇南志略卷之五 分目

澂江府

領州二縣二

河陽縣

江川縣

新興州

路南州

廣南府

領縣一

寶甯縣

(土富州屬焉)

順甯府

領州一縣一廳一

順甯縣

雲州

緬甯廳

澂江府

澂江府，在省治東南一百二十里。漢勝休地，屬益州郡。蜀漢屬興古郡。晉屬晉寧勝休，晉為勝休，屬梁水。宋齊無改。梁陳以後沒於蠻。唐武德七年置西寧州，貞觀八年更名黎州，夷名其地曰羅伽甸。初，麼些蠻居之。蒙氏為河陽郡，至段氏，麼些蠻之裔復居此甸，號羅伽部。元憲宗四年內附，六年以為萬戶。至元三年改為中路，升為澂江路，屬雲南行省。明洪武十五年為府。國朝因之。領州二，縣二，屬迤東兵備道管轄。設知府一，教授一，訓導一。其境東至廣西州彌勒縣界二百里，西至雲南府晉寧州界三十六里，南至臨安府宣州界一百二十里，北至雲南府呈貢縣界五十五里，東南至彌勒縣界二百五十三里，西南至臨安府嶧城縣界二百一十五里，東北至雲南府宜良縣界七十里，西北至呈貢縣界一百三十里，廣二百三十六里，袤一百七十五里。由治西北至省一百二十里，八千三百里。建於京師。崎嶇巖石，地鮮平夷，三隅負山，一面臨水，外邑四城，各守境以衛。

郡治原非用武之地，足稱饒沃之區。城舊建於繡球山上，明正德十三年遷金蓮山麓，築土城，周四里許，為五門，隆慶五年始遷五鳳山麓，築甌城，周五里三分，高一丈九尺，有池，城樓、水洞、溝道俱備，設四門，四隅建角樓，東南角三層，懸鐘於上，相傳鳴鐘於東以制虎山也。牛肋山在城西二十里，山形條分如牛肋，然錦標山在牛肋山右，巔峰特峙，列障嶙峋。龍爬山在城西南十五里，相傳昔有龍卧於此，其山崩塌如瓜爬之迹，故名。點蒼山在城西十五里，其山綿亘二十里外，為晉甯州地界，南自河澗鋪與州接壤，視山色青紅為限，青屬河陽，紅屬晉甯，極於西關外之三岔路口，東至羅藏山下之北，其稍凹處名嵩子箐，一名小關莊，峰巒峭拔，點於蒼穹，故名。南峰山在城西南二十五里，中峰秀拔，山勢磅礴，群峰列峙，迴出諸山之表，右有躍鯉山，如魚躍然，下瞰仙湖，明鏡當前，景謂南峰競秀，即此。玉筍山在城西南三十里，舊名湧拔山，兀立撫仙湖上，高峰獨秀，狀如玉筍，山頂有石盤澗五尺許，四時注水不竭，景謂玉筍晴嵐，即此，後有貴

人峰，群峰拱揖，儼若貴人；左有誥軸山，青嶂環拱，碧峰屏立，如誥軸然，激之登顯，袂膺寵命者，咸請此山為之兆，亦名勝也。馬鞍山在城南十里，兩峰並起，石骨峻嶒，中有石洞，虎山在城西七里，疊嶂連峰，雄如虎踞，綿亘百里，有澗從兩峽出，合流而瀉。關索嶺在城西北二十里，入省大道，山勢險峻，設有三關哨。羅藏山在城西北五里，後漢志云：「裝山出銅，後訛曰藏，又蠻語虎棚為羅藏，昔有虎自碧鷄渡滇池至此，土人造棚取之，故名。」山脈自東北數百里而來，高數百仞，群峰攢簇，起伏分布，綿亘百餘里，東南之巔有龍湫，雲氣興即雨。元末梁王瓦爾密走羅藏山立砦以守，即此，故又名梁王山。在字原刪玉印山在城西北二十里，舊名羅伽那，自羅藏右臂連延而西，其巔石壁巒岿，遠望之如斗如印，故名。南有泉流而為溪。犍鼻山在城北七里，長坡在犍鼻山後，兩山之間，蒼巖壁立，往往有鷹隼巢其半，下有二水合流，右有眼象嶺，西為隆額嶺。將軍山在長坡西北一里許，旁有山排闥，巍然羅藏之左，如武帥坐油幢，山勢陡峻，縈迴可登，下乃舊

陽宗徑路。隆額嶺在眠象嶺西。挺天突兀石壁蒼翠。以上十六字原刪石幢山
 在城西北五里。松岡鬱翠，頗為幽勝。蟠龍崗在城西五里，自隆額嶺
 東分南下，伏而再起，蜿蜒頓伏，狀若蟠龍，雜植萬松，巖壑蒼翠。玉几
 山在城西五里，形如玉几。官澗山在玉几山左。八仙巖在城西南十
 五里，自隆額嶺南去，諸峰錯峙，如八仙然。雲溪山在城西南十五里，
 有八仙巖奔騰而下，斷續起伏，勢若群馬赴澗，旁有溪流，前有小蓋
 字山，右有大蓋字山。元峪嶺自劍嶺紆曲西折而南，土色紅潤，山崗
 峭拔。以上二十字原刪竹園坡在城西北十里，長亘十餘里，坡道平行，其上
 松竹陰森，餞往迎來，每憩於此。舞鳳山在城北一里，自羅藏中支連
 延而來，形如鳳首，覽輝左右，支隴環抱，勢同展翼，明知府徐可久於
 其麓遷建府治，郡之鎮山也。寶鼎山在城東北二十里，俗山。山字原刪云
 父錫石，三峰鼎峙，玗札溪發源於此。塔浮山在城北五里，高峰突起，
 形如雁塔，自寶鼎山紆曲起伏而南，為棕樹村之主山。牧畜山在城
 北四里，甚平敞，人多畜牧於此，故名。玗札山在城北二十里，一名無

作山今名烏剎山其麓有泉流為玗扎溪望資山在城東北十五里通
 路南宜良為府治門戶高約百丈側臨峻壑陸赫嶺在城東北山脈
 自羅藏山奔馳綿亘至此突起高秀巖業望之赫然土谿嶺在城東
 五里嶺表巍峩不易攀躋其側有谿故名重珠山在城東五里一名
 倚鐸山凝重圓秀下有漱玉泉碌碁山在城東北二十里蒼巖層疊
 下有莊鏡泉又名連漪泉其水清澈鍾秀山在城東北八里山極高
 峻下有三春池林木蒼翠望之鬱然闕摩山在城東五里崖穴幽峭
 樹木參差梵宇琳宮數十處窈窕軒豁各極其勝下有龍湫老樹
 盤鬱池沼亭臺左右映帶今以寺總名華藏寺明郡人席大賓讀
 書於此題曰席望崖書院金鷄巖在華藏寺右壁形如雞舊傳每有
 鳴聲未價騰湧鄉人惡之擊去其首冷然泉在華藏寺之後東涌泉
 在華藏寺下雲龍山在城東六里相傳武侯盟鑒於此又名訂盟山
 金蓮山在城東五里一名繡毬山又名龜山高圓平正象山環拱夕
 陽晚照燦若金蓮昔之府治學校皆建其上隆壽山在城東十里壽

山鄉與雲龍連麓。陽浦山在城東五里，起伏蜿蜒，巖阿環翠，有冬青
 樹，歲寒益茂。象鼻山在城東十里，一名回龍山，山勢直接撫仙湖濱，
 宛若長鼻之汲潮水，故名。天馬山在城東南十里，兩山夾護，峰形如
 馬，陟其巔，東見大池江，南望撫仙湖，西連梁王山，北觀湯池，有流泉
 環繞如帶。赦文山在撫仙湖口，形方正，宛若函書，術家言激地遇險
 不驚，以此山鎖銜海口云。紅石崖在城東三十里，鉄池河邊，層崖壁
 立，高百餘丈。九岐山在舊陽宗縣南二十里，後倚羅藏，前面竹子諸
 山八面對峙，此山居中，每峽出泉，匯流而東，為九村溪，經九村東北，
 為七江溪，過借虹橋，入鉄池河。賓陽嶺在城東，由羅藏山分支，疊嶂
 崔嵬，日出先照，故名。松嶺在舊陽宗縣東二里，舊有群松鬱翠，天風
 振颯，如奏笙簧。寶珠山在舊陽宗縣東北五里，高二百五十餘丈，上
 有龍泉寺。獅子山在炒甸龍池村北，龍池大溪並山澗，諸泉經此入
 宜良。朝陽山在舊陽宗縣西十五里，東向賓日，故名。兩峽有水，北流
 復會西注，南入滇池。夾浦山在舊陽宗縣西十里，彌勒石溪及冷塘

二水合流其下，故名。覺卜山在舊陽宗縣西十五里，險峻陡絕，星貢
 路經此，登其巔，昆明山川朗然在目。化石祖山在舊陽宗縣西北七
 里，其南有泉流為目角溪，一名芭蕉河，東北入明湖。仙蹟山在舊陽
 宗縣西北三十五里，高二百餘丈，山腹有仙人洞，石笋懸溜，頗稱靈
 異焉。水則入鉄池河者為七江溪，為撫仙湖。七江溪源出城東北三
 十里九岐山南麓，東流經九村，為九村河，又東流經七江村，為七江
 溪，東流為入_{入字}鉄池河。撫仙湖，一名羅伽湖，其上源為星雲湖，自
 江川東流至郡境，又_{又字}匯為撫仙湖，周三百餘里，界河陽、江川、甯
 州之間，自星雲至撫仙，中有界魚石，星雲之大頭魚，撫仙之_之康震魚，各
 至石而回，兩不_相越，撫仙湖自玉筍峰東南，左納西浦泉水，又東左納
 原_{四字}刪西大河水，又東左納_{四字}原刪東大河水，東至海口流出，東入鉄池
 河。西浦泉，即磐石泉，源出城西五里蟠龍岡，石崖如巨螺殼，覆山麓，
 左右雙湫夾出，左湫自明湖由羅藏山伏流而來，名燕窩塘，四時常
 清，挽之不濁；右湫自滇池由海寶山下伏流而出，四時常濁，澄之不

清，兩泉合流，匯為巨塘，南流。左，原刪。字納立馬溪水，又南流。右，原刪。字納石澗溪水，又南流。右，原刪。字納清水澗水，南流入撫仙湖。西大河，即羅藏溪，源出羅藏山，繞羅藏左臂，屈曲而東，繞竹園坡，東至塔浮舞鳳山前，左納兩山澗水，東南紆折至檟樹村，分流為三，下流入撫仙湖。東大河，即玕札溪，源出城北二十里寶鼎山東，東流經玕札山南，折南流至青雲橋，會東谷溪，莊鏡泉，北坡泉諸水，西南流入撫仙湖。入大成江者為明湖，明湖在舊陽宗縣北五里，周圍七十餘里，東西兩岸山勢陡絕，源出羅藏山東支峯西麓，曰彌勒石溪，合象澗，流為此溪，出彌勒石口，又不字，原刪。左會錦溪水，潴為湖，納七古泉，曰角溪，隴邱衝河、大衝河、龍池溪諸水，出海口，北流入宜良，為大成江。錦溪源出舊陽宗縣西羅藏山北麓，東流入彌勒石溪。七古泉，在舊陽宗縣西北七里，源出麥田冲，流經北斗村，入明湖。曰角溪，一名芭蕉河，出陽宗舊縣西十五里覺卜山下，伏流入天生橋山腹，出為此溪，東北入明湖。隴邱衝河，在陽宗舊縣西北十二里，源出隴邱衝山間，流入明

湖。大衝河，源出陽宗舊縣南五里羅截山之麓，聚衆澗為河，北流入
 明湖。龍池溪，源出陽宗舊縣東五十里炒甸，會大黑兩龍潭，雙樹泉
 諸水入狀水洞，西北流過獅子象鼻兩山，西北至宜良，入明湖。又溫
 湯池在城東四十里，相傳浴之可去寒濕疾矣。舊泉在城東南十里，
 有泉穴三處。濯纓泉在陽宗舊縣西一里，自石罅流出，清澈可愛，上
 有龍祠，季春，官民祀之，以祈水利。此諸水之源流也。海晏橋在城東
 二十五里海口洩水處，鎖水橋在城南門外東二十五里。五字原刪隅，
 匯城內衆水流經沙河村，折魯溪營入海。涌拔橋在城西南三十里，
 明郡人楊國儒建，經江川通衢。水利則海口壩，舊設濬夫三百三十
 四名，日久壩圯，旋修旋墜。雍正八年，總督鄂爾泰發帑募夫挑濬，首
 尾寬深，重建二壩，甃石一百七十六丈零，於壩身灣曲處增築逼水
 六墩，以固石壩。西涌龍泉壩在城西七里蟠龍岡石巖下，明隆慶五
 年，開三河，引泉南入於湖，又鑿上中下三龍溝，引泉東流，灌溉郭西
 南田，達於城內，可以行舟。道光初，復加疏濬，此外則有清溪、大衝河

二壩、梅玉村、獬夷村、洋爛村、魯溪營等八堰塘、漱玉、北坡、沼鏡、光池、
 莊鏡泉等六堤，因地制宜，大為灌漑利。實在道光七年成熟民田地
 五十一百七十九頃四十畝四分零，實徵正耗夏稅麥秋糧米共六
 千九百三石三斗二升零，實徵條丁等銀共九千六百九十七兩三
 錢二分零，實在道光七年成熟屯田地九百四十二頃三十六畝五
 分零，實徵正耗夏稅秋糧麥米穀等共七千九百八十二石七斗九
 升零，實徵條丁等銀除軍舍丁銀豁免不計外，共四千三百六十八
 兩三分零，民屯二賦，實徵公件耗羨銀共五千二百二十五兩五分
 七厘，實徵差發銀一百六十兩二錢五分零。道光十年分，實在土著
 民戶四萬一千六百六十二戶，男婦大小人丁三十二萬二千六百
 十二丁，道光十年分，實在土著屯戶三萬四千七百五戶，男婦大小
 屯丁二十七萬八千八百九十九丁。實徵牲稅、門攤、水面、船課、染青
 課、河泊所魚課，共銀三百三十四兩五錢五分七厘。學額二十名，建
 有河陽鳳山兩書院，養正書屋，義學二。氣候則迤東雲潑相近，而潑

尤暖於雲，寒亦次之，雖盛暑極熱，一雨即涼，雨雪嚴寒，一霽即溫，故
 常有四時皆春，一雨成冬之又。謠原改字明修撰楊升庵詩云：「天氣渾
 如三月裏，花枝不斷四時春。」又一。二字原刪亦可以驗氣候之溫和矣。土
 產蓮子，比湖蓮為巨，藕各處出，淮出，澱江者為佳。原十字可洗為粉，以
 充苞苴，乾之為片，以充齋供，亦郡產之佳者也。鯿魚，一名鮓，鮮出
 撫仙湖，凡山麓水涯之石洞，土人挾巨筍承洞口而取之，鱗細味美，
 長五六尺，腹多腴，乾亦不空，楊慎謂其乾而中空，未確。鱸魚，方口而
 仰，頭聳起，有四腮，鱗細而薄，長二三尺，重六七斤，肉細如桃花鰕，海
 黃魚，無絲刺，與青魚絕不相類，歷來以為青魚，因其身青而名，實非
 青魚也。檀萃滇海虞衡志辨之最詳。所屬夷人，則蒲人、土獠、黑獠、獮
 數種。蒲人，即蒲蠻，相傳為百濮苗裔，宋以前不通中國。元泰定間始
 入內附，居多傍水，不畏深淵，寢無衾榻，食惟蕎稗。男子青布裹頭，著
 青藍布衣，披氊褐，佩刀跣足。婦女青布裹頭，著花布短衣，長裙跣足。
 常負米入市供賦稅。土獠，一名土老，亦名山子，相傳為鳩獠種，亦滇

中烏蠻之一，蜀黔、粵西之文，流入滇境，散居潞江等府，與齊民雜居，男子首裹青帨，著麻衣，常負竹籠盛酒食入市貿易，婦女高髻紅巾，縫花布方幅於短褐，其治生最勤，生子置水中，浮則養之，沉則棄之，今俗亦漸革矣，鼓譟而祭，謂之迎福，其土宜雜糧，輸賦稅，黑獼猴，詳雲南府志，所屬士知自愛，民勤稼穡，習紡織，樸實易治，但地狹土瘠，無他物產，商賈舟車不通，習俗相沿，尚神佛，社會游戲，吉凶禮儀，漸逐奢靡，是宜極於轉移者也。

論曰：潞江北通省會，南接明，東據龜山，西連嶺峨，地勢無多，風稱瘠薄，惟所屬新興、良田、鱗次、桑麻萬家，有城米，價漲落，視來米多寡為準，則又為雲南倉廩地也。夫昆明所撥發兵米，全恃府屬各縣，而居民饘粥所需，全恃新興為大宗，則撫斯土者，不獨為一郡計，更當為省會計，責任為尤重矣。水旱之不時，堰塘隄壩之宜講，現成之水利，無使傾圯汙塞，未修之河道，務籌引導疏通，人無餘力，斯地無餘利，豈獨新興一邑為然哉。道光二年，知府王厚慶疏濬龍泉壩河身，